

明

史

明史卷三百九十

孝友傳

孝友上

昔先王以六行教萬民曰孝友睦婣任恤民乃衆著於教篤之行矣歷稽史傳必標懿蹟以厲流風蓋斯為王化之本而人心風俗之所著也明太祖詔舉孝弟力田者畀以顯秩又令正官與耆民以禮遣孝廉之士至京師其百官聞父母喪者不待報許即去官英宗詔同居共爨五世以上有司勘報即與旌表武宗令舉孝義者文武官及科目出身不得與又詔官給銀其家聽自樹坊表仍優恤丁百官有親喪者皆

不得奪情著為令世宗詔孝子已旌年及六十者冠帶榮身自餘申明訓誥未嘗不諄諄焉夫愛敬之情匪由勸獎而一代風教所尚亦有可觀感以興者與今考累朝所旌表姓名其見於國史云其事親盡孝或廬墓終喪者洪武時則有上元徐真童姚金玉直隸龍江衛丁丕頭懷寧曹鏞徐州王僧兒廣德姚觀壽廣武衛陳禮閩桃源張住江浦張氏勝奴上海沈德溧陽史以仁丹徒唐川北平東安王重集亭杜仁義妻韓氏昌平劉驢兒湖廣祁陽郝安童山東寧海姜瑜汶上侯昱長子王德兒河南孟縣李德華孫魏

敏廣西臨桂李文忠永樂間則有大興王萬僧奴東
光回滿住金吾右衛張法保何黑所後衛包三武功
中衛蔣小保周阿狗錦州衛趙興祖旗手衛周來保
大寧前衛滑忠保安衛徐宗賢羽林前衛孫志漢府
左護衛許斌江寧浦阿住沈得安嚴分保上元馮添
孫邵佛定上海沈氏妙蘭儀真韓福緣江陰衛徐佛
保府軍衛蒲良兒後衛王保兒潘丑兒水軍右衛黃
阿回廣武衛劉玉蘇州衛張阿童廣洋衛鄭小奴大
河衛朱阿金興武衛張彥昇龍江提舉司匠張貴明
佛保聶廣江西永新左興武寧陳仲賢山東濟陽

張思名山西安邑張普圓河南永寧王仕能陽武劉
大重寶賈貳陝西膚施陳七兒宣德間則有直隸慶
都邊靖南樂康祥楊鐸內黃崔克昇江寧張繼宗定
遠王綱舒城錢敏徐州章文友歸德衛任貴山東堂
邑趙巖汶上馬威山西翼城劉原真河南太康順孫
陳智鈞州楊肅陝西綏德衛王永四川安岳李遇中
正統間則有大興劉懷義直隸元城谷真邢臺劉鏞
獻縣崔鑑通州孫雄昌黎侯顯新樂孫禮定興魏整
交河田暖柘鄉張本永年楊忠永清右衛穆弘武驤
左衛成貴江寧顧小舒城王紹胡紀盧江張政武述

胡長寧徐州金甌不豫桐城檀郁宿州郭興湖廣麻
城趙詭山東聊城裴俊費縣葛子成樂安孫整冠縣
陳勉臨清賁貴却城郭東東平張琛德州張泰平陰
王福緣山西猗氏王約高平王起孝王璵介休楊智
興縣郭安河南杞縣高胡太康軒茂良鄭州邢恭祥
符季斌陝西鳳翔石玖膚施劉友得張信邠州郭元
延安衛薛廣四川南川吳仕坤景泰間則有直隸威
安張憲威縣傅海邳州岑義鳳陽李忠徐州朱環宿
州郭興季寬泗州衛蔡興浙江龍泉顧佛僧龍游徐
珙湖廣武昌衛吳綬靖州衛方觀山東邳城茅遠朝

城王禮聊城朱舉河南洛陽閻禹錫天順間有宛
平龔然勝直隸遷安蔣盛永清賈懋唐縣寇林大寧
張英平山衛房鎮忠義衛鍾通潼關衛楊順通順素
六令胡深令肥張俊浙江杭州姚文弟得山東德州
尹綸東昌許通山西臨汾績鳳絳州陳璽陝西同州
侯智醴泉張璉西安前衛張軫雲南太和楊寧金齒
衛徐訥成化間則有太醫院醫生郭本順天萬盛直
隸永年秦良無極李暄開州任勉陳璋贊皇劉哲平
山李傑邢臺井澍豐潤馬敬柏鄉高明真定賈文平
鄉張翹永平朱輝武平衛成綱楊昇隆慶左衛衛瑾

宣府左衛何文紀、濟南衛藍瑄、遼東劉定、劉昂、江寧
盧雍、徐州吳友直、路車張棟、山陽楊旻、順孫王鑑、滁
州黃正、無錫秦永孚、仲孚、合肥沈鍾、六安黃用賢、休
陽支儉、休寧吳仲威、懷寧吳本清、沛縣蔡清、浙江杭
州金洪、黃巖項茂、富陽何訥、西安鄭得虎、水滌伯廣
海寧董謙、江西餘干張憲、永豐呂盛、湖廣汪浩、江夏
傅實、監利劉祥、湘陰邵敏、山東東昌張銳、莘縣李志
李忱、孔昭、趙全、恩縣王弘、汶上張廊、堂邑王璫、陽穀
錢通、單縣徐洲、聊城王安、孫良、歷城王允、曹州黃表
張倫、臨清劉瑞、山西壽陽吳宗大、同楊茂、繁瑞、澤源

王誠平陽衛楊輔安東衛王經河南許州寧滸信陽
王綱袁洪汲縣張琛封丘陳瑛光州劉進羅山王賓
衛輝徐寧西平尹晃新鄉王興碓山劉政長葛羅賁
陽武蕭盛弘農衛習潤陝西涇陽趙謐駱森趙樾澄
城李茂洋縣武全甘州毛綱華陰周祿保安李端四
川合州陳伯剛廣西臨桂劉本雲南姚州高紫潼弘
治間則有大興錢福宛平姜琮直隸青縣張倅南和
張彪曲周趙象賢長垣王鵬開州甘肅馬宗範蔚州
孟振遷安韓廷玉元氏王懋天津衛鄭海武平衛王
矩遠東李用霍丘徐汝楫海州徐謚邳州丁友懷遠

許本忠劉澄寧國吳宗周頤上王瑚鳳陽張全張欽
王澄嘉定沈輔寬山徐協祥豐縣周澤徐州權字楊
輔績溪許欽英山段弘仁蕭縣唐鸞浙江錢塘朱昌
仁和陳璋妻錢氏餘姚黃濟之桐廬王瑁江西樂安
謝紳南昌黃鍵安福劉珍豐城徐壽靖安陳伯宣陳
思湖廣寧鄉劉端湘陰甘準祁縣張機福建閩縣高
惟一龍溪王葵祿山東谷珍莘縣白濤鄒平莘恕堂
邑李尚質益都冀琮文登劉鑑臨清王佑寧海卜懷
山西陵川徐河徐瑛平遙趙澄澤州宋甫李用裴春
興縣白好古解州李錦陽曲薛敬榆次趙優池留衛

李清河南儀封謝欽祥符陳鑑史經西平張史佐唐
縣李擴登封王祺嵩縣杜端裕州劉宗周閬鄉薛璋
洛陽章瀚鈞州陳希全新鄭張遂知縣黃錦陝西咸
寧楊時敷澄城李表涇陽熊玻張憲隴西李琦雲南
太和楊謫仙正德間則有直隸高邑董珪藁城劉強
定州趙鵬吳橋段興新城李瑟青陽李希仁江西進
賢趙氏郡珍湖廣善化陳大用福建侯官黃文會邵
武謝恩山東長山許嗣聰聊城梁陞曲阜孔承夏日
照張畧山西臨汾李大經河南新鄭王科陝西蒲城
雷瑜嘉靖間則有直隸趙進南直隸蔡元銳孝孫李

九疇太湖呂映沛縣楊冕丹徒殷士望浙江龔雲王
晁孫璵慈谿向敏江西徐冠雄曾栢湖廣永州楊成
章福建吳毓嘉孫炳山東宮守禮山西大同溫鉞河
南李豫馮金玉趙謀任鏗劉一魁孝婦韓氏安氏陝
西黃驥趙璋四川李應麒又有旌表天下孝子鮑燦
陸文徐憶等國史不詳其鄉里陰慶間則有直隸大
成李彪靜海周一念周獎遷安楊騰松江馮行可河
南新鄉張登元四川順孫楊茂勛廣西興業何世錦
崇善何理萬曆間則有直隸韓錫深州林基清豐侯
燦河間吳應奎安州邵桂平山邢雲衛邳州張鎮華

亭楊應奎楊應祈高承順山陰孔金子良太湖顧槐
六安何金浙江遂安毛存元江西余鎬都昌曹珊新
建琪徽舒泰會昌歐于復鄱陽李岐湖廣賈應進光
化蔡玉蔡佩黃岡唐治福建浦城徐彪泉州訓導王
煬儒士王文昇山東馬致遠冠縣申一琴一攀山西
岳陽王應科河津侯鶴齡河南歸德賈洙密縣陳邦
寵舞陽楊愈光沁水王謙陝西劉燧涇陽韓汝復寧
州周大賢四川孝女解氏又有馬錦張誥杜惠孝女
楊氏等不詳邑里天啓間則有直隸秦強先自正晉
州張簡高邑孫喬南直隸上海張炳介高淳葛至學

旌德汪景宗山陽張致中歙縣吳榮讓孝童女胡之
憲玉鐵嶺江慈縣馮象臨江西吉水郭元達宜春鍾
名楊峽江黃國賓萬載彭夢瑞萬安羅應賚樂安曹
希和湖廣孝感施文星福建歐寧陳榮晉江丘應賓
浦城吳昂山東禹城楊士鴻泰安范希賢曹縣王治
寧曲阜孔弘傳德州紀紹堯山西聞喜張學孔河南
陳州郭一肖虞城呂桂芳浙川何大綬陝西華州孫
繩祖四川梁山李資孝貴州銅仁楊通照通杰皆表
其門曰孝行其同居敦睦者則有洪武時龍游夏文
昭四世同居成化間霸州秦貴建德何永敬蒲圻李

玘句容戴家俱七世同居石首王宗義五世共爨饒
陽耿寬累世同居宿遷張賓八世同爨安東蘇勒潞
城韓錦李昇永州唐汝賢豐城劉志清俱六世同居
弘治間密雲李珣合肥鄭元陵川徐梁五世同居慶
都黃鎮定邊衛韓鵬俱六世同居孝感程昂七世同
居泰州王玉八世共爨正德間山陽丁震五世同居
嘉靖間石偉十一世同居萬曆間蕭梅七世同居滁
州盧守一六世共爨太平楊乙六累世同居皆旌曰
義門旌門列之其事蹟尤著者別為傳云
劉謹浙江山陰人洪武中父坐法戍貴州時謹方六

歲問家人貴州何在家人以西南天指之輒朝夕向
之拜禮洋洋十道瞿然曰貴州雖踰萬里天下豈有
無父之子哉遂治裝時滇黔初服道路艱險家人沮
之不聽閏六月抵貴州辛苦萬狀遇父于烏撒亭砵
相持號慟父病痺謹告官請以身代而國法戍邊者
年十六已上嫡長男始許代時謹未成丁而伯兄謙
先以督運死京師謹次子也非例於是歸携兄子以
往顧兄子幼謹請以身與兄子共代弗許則又歸悉
鬻其貲凡三往百計謀所以歸父者乃卒奉其父以
歸及歸家並貧謹力耕甘旨晨昏必極其歡學使者

上其事于朝

劉氏真定新樂人朝太初妻也太初元時為知印洪武中例遷和州學家以行劉氏事姑寔甚謹姑在道病劉氏刺臂血和湯以奉姑疾愈至瓜州復病亦如之此至和州太初卒劉氏種蔬以給食養姑尤謹又二年姑患風疾不能起劉氏晝夜侍姑側驅蚊蠅姑體腐蛆生席間又為齧蛆蛆不復生及姑病篤劉氏號呼神明割股肉和粥以進姑復甦越月卒劉氏殯舍側陳中欲還合塋于舅墓哀號五年不能歸洪武十五年太祖聞之遣中使賜衣一襲鈔二十錠官為

送其喪歸塋旌表其門復其家徭役

甄氏北平樂城孝大妻事姑孝夫與其弟異居一日
姑往次子家甄氏隨行不忍去姑側姑力遣之還甫
三日甄氏心驚舉體流汗意姑疾也亟往省之果有
以疾來告者甄氏緣塗拜禱至姑側侍湯藥旬日而
愈後姑壽九十一卒既葬甄氏廬墓三年旦暮悲號
不輟里人稱為孝婦洪武十六年詔旌其門

王中河南登封人性至孝母沒廬墓三年日食糲粥
旦夕哭奠未嘗櫛髮易衣墓側無水浚井四丈餘不
得泉中環井再拜額天泉忽湧出鄉里以為孝感洪

武十六年詔旌之

李英邳州人年十五喪父家貧力作養母劉冬寒必溫衾席母嘗病疽英為吮之數日而愈母又病滯下英取糞嘗之味甜心切驚悸尋卒日夜號哭廬墓三年洪武十六年事聞賜旌

徐允讓浙江山陰人遭元末亂與妻潘氏奉其父安走避山谷間遇賊斫其父允讓抱父呼曰寧殺我幸釋我父寇即捨安殺允讓將辱潘潘胎曰我夫死從若必笑若能焚我夫屍則無憾也賊以為然聚薪焚其夫屍火方熾潘即投烈焰中死賊驚嘆去安得終

其天年洪武十七年有司聞太祖以乞讓能捐生
以代父死潘氏能全節以盡婦道命旌異之

張宗魯河南鈞州人四歲失明年二十遭亂負母路
氏逃難其妻扶掖以行歲饑宗魯賣卜以為養日給
不足妻採野菜以繼之事平宗魯奉母還故鄉竭力
供養母卒仍求其前母曹氏沈氏遺骸合葬父墓洪
武十七年禮部以替子而有孝行請表其門從之
周炳河南舞陽人事母焦至孝母嘗病罵炳呼天禱神
求以身代遂愈後病劇思食樟肉炳求之不得忽一
瘴入其家即以供母病復差人以為孝感云洪武十

七年旌其孝行

張拾遵化人幼喪父力作養母元末兵亂身隸軍伍
每晨必拜母而往役暮歸亦如之夜則俟母安寢乃
退母嘗病育旦夕焚香額天卧冰上匝月母目復明
洪武十八年旌表仍蠲其軍役

顧仲禮保定人幼孤事母至孝嘗遇歲凶負母流移
他郡供養備至七年始歸遇蝗起仲禮行田間泣曰
蝗食吾苗吾何以為養俄有疾風吹蝗去苗得不傷
母卒仲禮年已六十廬墓側三年悲慟如一日洪武
二十四年表其門閭

李德成來水人親早亡德成念劬勞之恩搏土肖像
日奠飲食奉之如生一夕夢母墮寒水間挽之不得
既寤與妻王氏徒跣行三百里至昌平墓所卧冰七
日時天大雪冰為融釋會徵孝廉有司以德成應詔
授先祿寺署丞至洪武二十七年復旌其門

朱照浙江仙居人母楊性嚴諸子稍不如指輒撻之
照事之盡恭不致母怒父季用以薦知福州府洪武
中詔盡逮積歲官吏為民害者季用任僅五月亦被
逮病痢不堪受楚照惶懼守視時告枉令嚴甚戍極
邊者三人抵死刑者四人照奮曰吾無計脫吾父訴

不訴等死耳萬有一父緣訴獲免就死無憾父僚同逮者交阻不聽具告枉狀太祖悲傷其意赦季用復其官同時以例復官者十四人皆謝季用曰微君有孝予吾屬皆歸黃土矣已而煦感病死季用傷煦亦死

陳圭浙江黃巖人父叔弘為讐家告其罪當死圭訴通政司曰圭為子不能諫父陷不義圭罪當死冀原父使自新事聞太祖喜曰不意今日復有孝子宜赦其死俟天下朝覲官至使播告為天下勸刑部尚書開濟奏罪有常刑不宜屈 啓僥倖路乃聽圭代父

死叔弘誦成雲南聞者歎其孝而惜其死焉

錢瑛江西吉水人祖本和以篤行稱瑛少孤年十三中省試元末亂瑛奉其祖及母避難遇賊先縛本和瑛奔訴弄縛之本和哀告賞其孫瑛復訴請身代不已賊憐而兩釋之方是時其母亦被執而妻張氏從屏伏中窺見即出迎謂賊曰姑老矣請釋而縛我賊縱姑縛張既就繫擲袖中篋與其姑訣曰婦無用此矣且行且睥睨其姑稍遠即罵賊不肯行賊持之急益詬詈賊攢刃解之有司凡三薦瑛以親老辭親泣終身悲痛本和故所築樓瑛每登輒流涕名之曰思

樓子遂志中進士官山東僉事

祝大昌浙江麗水人事母孝母沒號慟幾絕殯在室
場人不戒于火勢烈甚莫能救大昌伏母棺號哭誓
與棺俱焚火忽自滅既葬肖二親像于堂祀之如生
事兄公亮如父家事大小必問白後行公亮出大昌
不敢專席而坐弟公直沒號哭頃仆久乃蘇建家範
數十則教誡子姪莫敢不率每旦序食堂上氣象雍
睦三世一體怡怡也

翟嗣興常熟人事親孝母病積氣百藥不治嗣興剖
股肉作羹以進母不食已五日忽盡瘳之氣疾如失

一日母思食菱時菱始花嗣與解衣入菱湖歷覓之
腰脰赤腫號呼籲神俄得三菱以奉母既而家益貧
嘆曰事急矣株守不變如父母何稱貸貿易悉心計
索大裕凡父母所欲無不致也喜賑貧乏有王姓者
素賢而貧卧疾莫能興雞初鳴嗣興輒往以錢授之
陳而去民有告糴者糴衣百結嗣興受其直五十侖
問曰若欲糴十千耶遂如數與之歲大儉四方多來
依者嗣興擇旁舍居之會瘍氣作病者相枕席每晨
躬携粥藥撫視賴以全活者衆後遇疾恐馳慮盡圓
圈揭屏間目之卒年八十四子莊官至參政

鄭鉅浙江浦江人其家累世同居幾三百年即元使
者余闕為書來浙第一家者也父大和主家時鉅日
侍左右操權度助之父卒鉅總主家事守成法並能
以義勵其俗鉅卒從兄銘次當主家以從子渭賢告
先祠讓之渭亦固辭因虛其席者久之銘事母黃至
孝母嗜鰥魚會有疾倉卒不得徧求之以進乃瘳銘
卒從弟鉉主家方嚴有禮度父病適喪妻不敢哭強
色笑進湯藥父卒一恸幾絕三日鬚髮盡白或勸再
娶謝曰鉉見後母戕骨肉者多矣忍令兒陷之耶年
未四十竟不娶增修家範親疎翕然遵化有家務群

趙並赴雖勞不懈不知其事非己出也諸子弟盡趨
功夜聚坐棟華軒講學論道更餘始休諸婦惟親女
工守教不使預家政渭弟濂以田賦推擇為長入覲
太祖問治家所以長久之道濂對曰守祖宗家法不
聽婦人言而已太祖稱善賜之果濂拜賜懷歸剖分
家人帝聞而嘆美欲官之辭老不任遇聖誕節捧香
詣闕拜賀每憊勞之時富室多以罪傾宗而鄭氏數
千獨完會胡惟庸以罪誅有訴鄭氏交通者吏捕
之兄弟六人爭欲行浞竟往濂方以事至京迎謂曰
吾家長當任罪浞曰兄年老吾自往辨爭入獄太祖

召見勞之曰有人如此肯從人為非耶宥之賜酒食
洪武十四年擢浚為福建左叅議居官有政聲太祖
患習俗澆偽欲益尊顯鄭氏以風天下會御史嚴震
五疏薦詔拔其子弟年三十以上者畢赴闕擢濟為
春坊左庶子同時有王氏者亦善家法選一人曰慤
為春坊右庶子鄭氏固多賢子弟而濟弟沂歷禮部
尚書從子幹為御史從弟洪為江西照磨有能聲消
好學篤義源剛介有志節好施與濟有文學淵事母
孝母病逾年抱持不離側解患疽不能坐跪進藥膳
為生牀母病革思食西瓜既食而卒終身不忍食瓜

居父喪絕而復起者數四杖而後起服雖閼遇忌日
哭奠如初喪漢主家建文四年旌表門閭漢入朝謝
御書孝義家三字題其旁曰賜浦江鄭漢而識以精
一執中之印燕兵既入有告建文帝匿其家者遣人
索之先是廳事列十櫃五貯經史訓子孫五貯兵器
併不虞使者至所發皆經史乃寘其半不啓而勝以
鈎墜墜輟乃得無事人以為至行所感云成化十年
有司奏鄭永朝世教行義命復建孝義之門以旌之
趙讓山東肥城人事母孝傭力以養母沒廬于墓旁
有猛虎狎至讓無懼容虎弭尾去又有盜夜入讓廬

見其哀苦反遺之鈔讓埋土中不用永樂二年旌其門

張翼山東泰安人父母卒皆蔬食廬墓三年有慈烏數百旦暮悲鳴墓樹亦三年永樂九年詔旌之又有張鍊貴州赤水衛人官御史父母卒俱廬墓三年旌群鳥慈草之感

謝定住大同人年十二隨母周行林薄中遇虎噬其母定住奮力擊虎母子俱無恙永樂十二年有司上其事召至京師成祖親問而嘉之賜鈔二百錠米十石仍表其門

趙銓直隸江陰人年六歲父以禦賊被害隨母吳氏避難遇兵母子相失銓賴父故人收育之比長痛失其母疏于天徧求之得于鄞縣奉母還俯極孝養母沒結廬墓側洪熙元年詔旌之

趙祥永平人永樂中侍父百戶亮任金山年十四為倭所掠轉商日本其國王知為中原人召侍左右改名元貴為土官然心未嘗一日忘中國也屢諷王入貢宣德中與使臣抵京上疏陳情臣風遭擄抱蒙痛心死生路梗流離困頓生還中國夫豈由人伏乞賜歸省侍帝意在柔遠不欲遲留之遣令還國許給驛

暫詣金山獨其母存耳不識曰吾兒耳陰有赤痣驗
之信抱持痛哭悲動隣里未幾重違上命別去祥至
日本啓以聖意國王允之仍令入貢申前請詔許襲
職歸養祥母子相失二十載又有筆彞之限得遂其
養難矣祥事母備極甘旨母卒哀毀骨立喪葬皆以
禮

趙紳浙江諸暨人父禮讓高郵州學正秩滿攜紳入
京舟次武城禮讓失足墮水紳隨躍入以救水急舟
駛父子俱死明日得其二屍紳摘手持父臂不脫宣
德五年旌其家

洪信文汝西潯梁人事母陳至孝母病衣不解帶此
卒葬值雨雪信文攀柩號泣而雪為霽廬于墓側刻
木為母像朝夕跪奠事死如生者十有三年宣德花
年來其門又有王俊城武人母廢既葬手刈草苫舍
于塋側野火延焚將及俊向火叩頭慟哭火及塋樹
而止正統三年旌之張讓陵縣人母史失明朝暮焚
香跪詆跽年復明正統五年旌表劉準唐山人父喪
廬墓火延墓樹悲號告天火遂熄正統六年旌表楊
敬婦德衛人母沒停柩隣火鬱收敬撫柩哀慟風止
火滅正統十三年表其居

史伍直隸內黃人父萱任廣東僉事卒葬南海縣和
光寺側伍時年幼母王攜以歸比長常以父不得送
葬為憂母語之曰爾父棺內置大錢十枚母卒廬墓
終喪往求父棺寺以被水淹沒泣禱于神忽有老人
以杖指示寺址徧發其地果得父棺內有錢如母言
載歸與母合葬復廬墓側有鵲結巢馴擾不驚正統
六年旌其門時有羣鸞者升陞人母卒廬墓有野鹿當
痛哭時亦悲鳴若助哀者禿引子遊于廬前如家畜
然巨蛇蟠于門視之不怖似有所守衆以為孝感亦
于是年旌表

吳順山西朔州衛軍父病閉結醫治罔效順紙數道以通又嘗糞甘苦以審安危父思雉肉通求弗得憂形于色忽有雉飛入其室捕以食之疾遂瘳父歿廬墓朝夕哀奠鹽醬不入口者三年正統十四年旌其孝行

高興合肥人父亡水漿不入口者三日每哭泣則群鴉數百飛繞其舍及塋廬墓鴉亦隨之巢于塚樹服闋還家有白鳥數百與鴉鶴迎翔舍上久之方去人以為孝感所致天順二年旌之同時旌表者鄆陵解禮父母俱替飲食動息無不由禮左右承奉久而不

懈親沒廬墓三年有鳧馴集上蔡朱儉居喪負土成墳有雙鵲來巢枯枝復榮郢陵張緒祖母劉卒喪塋令禮有赤蛇蒼兔蜂蜋馴擾之異蒙城汪泉平湖沈琮和州薛良延安栢英皆有白鳩烏鵲芝草之祥玉田李茂母喪廬墓有二狐穴于旁龜蛇周旋左右不去人咸謂誠孝所感云

龐景華上元人母疾刲股為糜以進果膠又嘗病痢刲股如初嘗冀若謂其妻曰吾母不死矣果復膠隣火延藝顧天乞哀所居左右前後灼盡無餘獨其母卧室三間無恙天順三年旌其閭母年九十有三而

終廬于墓側有盜夜至聞其足聲曰孝子也遂散去
有慈烏集松柏靈芝產階砌

榮瑄廣東瓊州人與兄琇俱以孝友著聞天順四年
賊據瓊城瑄兄弟扶母走避遇賊琇謂瑄曰事急矣
並死何益我以死侍母汝急去庶幾一人養母幸也
瑄去琇與母為賊所獲欲脅以行不從則以刃臨母
琇叩頭曰能免母願得相從遂陷賊中官軍至琇走
出被執送主將將就刑瑄趨至叩頭流血泣請曰兄
以母故陷賊母老家貧恃兄為命瑄弱不任事向者
遇賊本不圖生用兄言以免長恨不得代兄死今乃

遂所願願殺瑄存兄養母主將不察竟殺瑄聞者皆痛惜之

宗社浙江金華人母盲不能視物紙其翳膜久之復明天順七年旌異之黃文任丘人甫四歲父以商出閩四十四年不知所止文長徧訪至鄧州遇父同與母完聚天順七年獲美孝行又有周尚文東安人父目失明露香額天朝夕紙之數日復有見母卒盧于墓次蔬食飲水每忌辰輒三日不食有賊十餘騎突入墳內見其哀經號哭勒馬旋視竟不思害而去王遠定州人父喪廬墓夜有賊入遠解衣遺之賊持去

後夜復送還曰公孝子吾不思也俱于天順八年旌之

柳芳直隸武靖人母沒哀戚甚因首跣足負土成墳有白鳩巢于冢木藝麥隴旁有一莖兩穗之瑞廬墓三年不思去復留三年成化三年表其間同時旌表者建德蔡廷璫母盲竭產調貧祈福于天後母目復明開州甘澤鳳陽周緒俱葺茅守墓有蒼鳥青蛇馴逸異草叢生大同焦鑑父沒廬墓有白狐遊狎野蠶作繭籬落間神機營揮指方榮母喪廬墓側每早赴教場操閱畢即躬負土營墓群鳥翔集又嘗啣一金

錢遺之

沈忠歸德衛軍祖母瘡發左乳肉潰生蛆忠憂泣取
蛆燻之曰寧食吾心勿傷吾祖母啞去膿血瘡竟愈
父患風疾額天祈減己年一紀以延父壽及父卒計
其時適盈一紀已而母亦卒忠號痛幾絕廬墓終喪
成化九年旌其孝行

史惠福建晉江人童時即知愛敬家無餘計而養母
極滋味母病甚醫藥弗效祈天以身代遂愈母卒廬
墓三年鄰壤田禾累歲豐稔人稱為豐年山又有二
白鳥來集冢樹人皆異之稱為白鳥墓成化九年旌

之同時有長洲朱穎父卒負土成墓盧于其側暴雨
墳裂哀慟懇切明日復平十一年旌表奉化陸洪父
沒苦無石梵墓感夢得石卅餘結廬墓次十四年旌
潞州張倫開州侯英張鼎俱親喪廬墓有甘泉白露
白鳩白兔之異十五年各旌表其門江夏周璽有慈
烏入墓猛虎繞墓十七年旌表

何宇新廣東博羅人幼失父事母至孝鄉人稱之毋
泣貧不能葬聞者爭致賻遇積雨不止及輓車戒塗
隨在輟晴雨若為之迂避者既塋縛草廬墓側夜有
二虎蹲其門左右馴如也旦去夜來每浹旬則易二

虎猶爪代然字新忽得危疾鄉人昇歸治之虎乃去
疾愈還墓側虎復來遂狎焉若素養者家畜一黃犬
三五日輒候墓所字新欲有所需即書片紙繫其頸
家人見之具備繫使負還墓前嘗有慈烏翔集冬月
梅先實竹孫枝駢出人咸以為孝感弘治元年詔旌
其門後舉鄉貢入南國子監人見其近體尚結麻經
帶以示終身之喪云嘗遊陳獻章之門獻章遺以詩
曰遠舍烏成陣終年虎卧門山梅初並蒂冬竹又生
孫蓋紀實也五年詔用孝子之已旌者授南京光祿
寺署正遠宗人府經歷請告展省卒于家

張時學六安州學正母喪廬墓三年遇雷雨懼驚其
母輒環冢自呼曰兒時學在廬有烏鳥翔集狐兔馴
伏弘治三年表其家王教政類上人廬墓三年徧謝
墓隣牟高氏家雷雨大作繞戶振垣雷從教政坐下
穿屋成穴而出數里村舍盡壞高氏宅獨全人傳為
雷避孝子

沈理直隸嘉定人母病目或云平日以舌舐之可愈
理如法行之三年果復明父有瘳疾偃偻未能起立
理日夜扶持不離左右聞有李神鍼者能起痼疾強
要致之李欲為灼艾理以身試痛甚恐父不勝周請

止是夜父夢神語曰吾感孝子意為汝城之城下醫
汗疾遂瘳弘治八年詔旌異之又有石鼎潭源州學
正居父喪廬墓遇大雨山水泛漲躬仰天哀禱水至
墓分為二道弘治五年旌其閭

吳宗並廣東歸善人與弟宗義皆好施頻出私財助
有司賑濟得授其父冠帶宗義卒其子璋能承父志
周急賑貧歲歉以其父遺金送官以充賑貸更捨施
地十餘畝籍之于官為義塚設義學三所延師以訓
鄉人子弟歲時資給之水鄉民無居者與之船病者
授藥死者給槨望仙諸橋觀澤諸路多其所修築者

守法以開旌為孝義之門

應綱浙江永康人為歸德訓導幼喪父事母至孝嘗
溪錢塘江舟覆同載者俱溺綱以母老孀居禱水中
若有援者得不死人以為孝感正德元年褒異之

歸鉞早喪母父娶繼母有子鉞由是失愛父偶撻鉞
繼母輒索大杖與之曰徒手傷乃力也每令羹食將
熟故以羹逐去鉞數困匍匐道中比歸父母相與言
曰有子不居家在外作賊耶輒復杖之屢瀕于死依
依戶外不敢入俯首竊涕鄰里莫不憐之父卒繼母
擯不納因負販市中時私其弟問母飲食狀致甘鮮

馬正德中歲饑繼母不能自活鉞往泣奉迎母內自
慚無所資從之鉞得食先母弟而已有饑色弟尋卒
繼母終身怡然鉞少餒而體瘠族人呼為菜太
人族子有歸繡者亦以負販養母至孝與弟紋緯友
愛無間緯以不法坐繫繡力為營救緯又不自檢犯
者數四繡輒護持之終始無愠容繡妻朱為製衣必
三襲曰二叔無室豈可使叔孀獨被冤潔耶里人稱
為歸氏二孝子

羅緯江西吉水人工部侍郎汝敬之孫也以廕授官
歷常州府同知所至有善政居母喪廬墓螺子山下

三年寄隨一白犬主哀亦哀主息亦息小故無虎至
是一虎渡江周旋瑩次狎犬為侶瑋偈卧疾其杖竹
倚壁生棧葉一白鴉為鳩鳴久而不去墳生芝荷華
生于原

容師偃廣東香山縣人父罹癰疾師偃侍奉朝夕不
離側正德中寇掠其鄉師偃負父而逃寇追之急父
麾使遜去師偃泣曰父予更相為命去將安之既被
執賊舉火灼其父師偃泣請代賊舍其父遂就焚死

明史卷三百九十三

孝友傳

孝友下

歸可正嘉定縣學生嘉靖中倭亂可正負祖母以竄
天雨泥濘不得前卒遇賊賊惡見婦人欲殺其祖母
可正去可正哀懇以身代賊不從比刺刃可正以
身覆祖母併殺之太倉王在復與兄亮煮走避倭連
次相失在復已脫倭二里許展轉尋父見父被執急
趨叩頭祈免倭以刃背擊其父即以身翼蔽之倭怒
揮刀父子首並墮而手抱不解

李文詠崑山生員性孝友父寢室被火文詠驚號突

入抱父不得出父子俱死火息檢發見其屍攜獲其
其父馬王應元武隆人力農以養父一日父醉卧應
元往于田其家失火急趨至烈焰燭天身濡泥水出
而後入救之者三號哭火中抱父死唐治筆亭人父
喪殯于堂而隣居火起治盡出資索募人出其父柩
而人心駭亂無應者或挽之出泣曰父柩在此我死
不出火息後所居巍然獨存而治竟以薰灼伏棺死
棺上背成血掌痕許思新水人夜半隣家失火思驚
出徧尋母不得獲突入遂與母俱焚火止人視之煨燼
中隱隱見曲肱抱其母云

毛彥恭浙江遂安人祖希咸好行義篤于倫叙誠予
姓勿析產傳至彥恭族愈蕃男女二百餘口恐不能
繼乃創立同居家規鵠三號男女齊起問安于家長
各就東西舍操作漏下始罷去自冠婚喪祭及衣被
饋食纖悉必均中外聲勅不敢忤復建義倉立家廟
遠方來學者延師以教且贖給之兄弟五人共營一
墓中穿其墳使氣不隔而別瘞妯娌于山之麓曰欲
使百年後兄弟魂魄猶相依也嘉靖十三年旌為六
世同居義門建坊免徭如例每夜東西操作燈火焚
焚無敢懈怠私室歲時男女候家長從東西舍褰帘

出有新婚月餘驟見其婦不甚辨倉皇欲避者其家
規嚴肅如此又有山西長治仇鶚六世同居食凡男
女數百人鄧烈婦貞女二十三人萬曆二年旌曰高
義無為丁革一兄弟五人不忍析居相與誓天折梅
五枝共接一本各識之祝曰如一枝枯即某有異心
後五枝俱秀實鄉里驚嘆謂友愛所感號五果丁氏
丘緒浙江鄞縣人生母黃既生緒而為嫡母余所逐
適江東包氏未幾轉適他所不復聞問時緒幼或微
詔以母故輒教慰不自勝事嫡母余至孝久之余亦
心傷之愛若己出余病革與緒訣曰我即死汝無忘

若母矣當是時距黃去時二十年所者不可跡忽十
夕夢人告之曰若母蓋在台州金鰲寺前云次日與
一人憇于蓮塘之側包氏故養馬廐也叩以母所向
曰有周平者曾悉其事今已成京衛矣緒之女兄嫁
于王以進士候選在京遣書囑王為訪久之未得也
一日有避雨于王邸門者聞其聲鄰人也而叩之即
所謂周平者也延而問之知黃適台州李副使之子
緒得報即裝而之台時李已故無嗣而所後者族子
也漫不知前事緒傍徨掩泣于道有見而傷之者曰
此間有東門王四老者齒踰耄矣故嘗業媒氏渠往

詢之則知黃居李無依而復還仙居吳義家明與再
往詣王老叩其詳而其夕已暴亡矣吳仙居之巨族
緒至其里歷矚數十家既而入吳東初之家怪而問
之因感其意而留止馬有媼氏聞所留止者異鄉人
也惠而咻焉東初語之故媼即黃故主母也頗憶前
事然不詳所往呼蒼頭問之云達金鰲寺前去歲經
之棺已殯寺旁矣緒以其言與妻符也信之且行且
泣期得一面棺為慰道適一牛觸墜于溝則與夫馬
長之門也駭而出問所從長曰吾前與一婦至晉雲
蒼嶺下殆是也緒至嶺下徧物色之依依行委蒼中

忽一老嫗佇立于門探之為鄆人也告以所從來嫗亦轉詢丘氏耗令馬知其為母也抱持悲號閭里莫不感動所傳寺旁棺者則其妣氏也所遭陳翁無子而家貧多負緒還取金償之并迎翁以歸併極奉養嘉靖十四年賜額孝行

張鈞山西石州人父為賊所掠鈞馳一騎賊中號哭求父肩中流矢裹瘡前行至則父已死賊矣哀痛幾殞盡飲父血水漿不入口者三日悲哀而死張承相少孤事母孝賊至負母而逃為賊所得承相抱母叩頭號泣賊怒俱殺之抱母首而死于博幼孤奉母以

孝聞母居村舍博從城中受書賊破城博號泣求母
母已被執道遇之奮氣取石擊賊賊就剖其心殺之
母得遁去張永安父為賊所逐永安持梃救之擊傷
二賊父得逸去身從後獲之被數十創而死溫繼宗
沁州學生貧苦而孝父沒不能葬日夜居守賊將至
咸勸避之以父殞不肯去賊至禦之中矢死柩旁俱
以嘉靖二十二年旌表其門閭

鄭饒石康人母謝為流賊所掠饒年十六哀痛不自
禁挺身入賊壘紹之曰吾欲丐吾母豈惜金吾幼金
皆母所瘞也願代歸母取之吾在此母豈忍不以金

未賊以為然拘讎而釋其母然其家實無從得金也
讎自卒脫母在賊中言笑自若官軍至賊欲解去以
前語詰讎遂遇害嘉靖中有司置祠祀之並建坊旌
焉

唐儼廣西全州人父蔭知彬州歸老于家得危疾儼
時年十二迎醫不能療潛剖臂肉進之父尋愈後父
沒儼哀毀甚見者傷焉遊學于亳妻鄧氏年十八奉
其姑于家篤孝儼嫡母蒙寢疾鄧曰吾夫以臂肉療
吾舅吾獨無以療吾姑哉乃剖右脇肉以進而蒙疾
亦愈儼聞母疾馳歸至則無恙矣儼謝其妻曰此吾

分也當亟召我子何自苦為鄧曰子事母婦事姑有二道哉方危急之際雖召子何及且事必遲子又安用婦儼事生母宋與嫡兼隆而衣食稍殺焉曰禮不敢踰也後蒙宋俱沒儼朝夕號慕廬于墓次三年寢苦負土虎豹縱橫其間不為怖也日取薪水甚疲樵牧相其勞卒謝遣之觀風者欲上其事于朝辭曰事親以盡吾心斥名于儼何有使儼以親故得名非儼志也嘉靖中有司奏之表里宅焉

劉靜江西萬安生員幼孤家貧事母孝遇賊欲殺其母哀懇身代賊橫剝之母釋靜死尸七日不變後

其母享年八十萬曆元年旌其門又有無錫浦邵賊
繫其父邵以首迎刃而死父藉以免家化林上元賊
掠其繼母李出城上元從城上持鎗一躍而下直奔
賊壘刺殺二人賊避其鋒立出李遂去城乃得全俱
萬曆四十三年旌表

柳蘭女山西芮城人父逢春母謝氏相繼亡遺二妹
俱幼一弟甫三月蘭女痛家寒弟妹無依誓死不字
經織以嫁二妹婚娶弟婦課弟力農以終其身萬曆
二年旌曰貞孝

曹必和江西南昌人母盲以舌舐之復明親沒廬墓

三年萬曆元年賜旌金鯉雲南大姚生員毋楊氏患
癰晝夜焦勞忽夢神人授方惟蒲公英可治鯉博訪
得藥果愈後母沒廬墓三年撫庶弟六人俱以恩萬
曆五年命旌美之

趙重華雲南太和人父廷瑞遊江湖間久而不歸方
出里門時重華僅七歲及長詣路引于知府以出族
黨交阻之不聽榜其背曰萬里尋親別馬里系及父
年貌數千紙所歷都會州縣偏貼之已而曰聞武當
之山名天下吾父好名山當或遇之且聞山之靈故
神于是踰漢沔而西禱之武當經太子岩岩之陰有

字曰嘉靖四十四年十二月十二日趙廷瑞朝山至
此重華讀之慟曰吾父果過此今吾過此月日復同
可卜相逢矣遂書其後曰萬曆六年十二月十二日
趙廷瑞之子重華尋父至此由南陽顧壽東涉淮泗
以沂江寧訖無所遇過三茅峰禱于神夢神謂曰汝
父未死遂從丹陽經常州被盜攫其貲所遺者獨前
諸府路引耳且行且乞遇一老僧呼問其故笑曰汝
父誠未死客無錫南禪寺中語訖老僧忽不見乃趨
至南禪寺果遇其父出路引示之相與携笈而慟寺
中他客遊者皆相向助泣留數日乃還雲南又有海

陵張起幼遭兵亂與母相失起晝夜悲泣求行四方三十年遇母于濟陰奉以歸

王原文安人方在襁褓父珣以困于里使避之他鄉不告妻以所往妻張氏撫原乳以居及長問知父故輒痛泣自傷既娶婦月餘跪母前曰兒將訪父與偕歸母曰兒過矣父去家二十載生死不可知兒安之原仰天號曰天下豈有無父之人哉泣與母別徧走燕趙齊魯郊薳盡則行丐于市或累日不得食而原持志彌堅一日經登州田橫島禱于神祠感累夢因轉入衛輝抵輝縣薄暮風雪甚宿于野寺門外

而寺名為夢覺原心動曰天其或者協吾夢乎侵曉
一童子出見而駭問之原曰吾父安人尋父而來曰
而父何狀曰生數月而失父不識狀母為我言其畧
然去父二十餘年當不相似矣童子引而謁其師師
知寺中執爨者亦文安人也召與相訊其人曰而父
為誰曰王珣曰爾非小字某者耶曰是也曰吾即王
珣也于是父子相抱持而慟然珣絕無歸意曰若翁
赤貧何以歸見鄉人不益為而母子蓋耶原以頭搶
地哀號衆僧共相曉譬原竟與珣偕歸自是終身色
養珣年八十四而卒原卒年亦如之原生子六人孫

十有五人曾孫二十有二人應霖應期並舉進士其
後簪纓不絕萬曆初詔旌其門閭

夏思五隸桐城人甫九歲父龍病瀕危思涕泣不知
所出禱于天刺左股一鬻烹羹以進父食之遂愈翼
日思創卧父詰之乃知向所食者子羹也驚而號曰
奈何生父故死兒乎隣父老趨視嘆異聞于官知府
胡麟先一夕夢王祥來謁詰朝得申孝子文詭曰孺
子殆祥後身乎命名子孝字以志孝學胡植籍為縣
學生月給廩餼父沒哀慟幾絕既塋構茅廬一楹于
墓次獨居朝夕莫哀聞于野虎嗜桐梓山才棲負如

服闋方奉主反室人稱爲孝焉

楊黼直隸太和人。家貧躬耕養親。聞四川有無際大士。悟道辭親往訪之。途遇一老僧。問所往。曰欲見無際。曰見無際。何不見佛。曰佛安在。曰汝第還遇某。色衣履者。即是也。遂還。無所遇。暮夜至家。叩門。其母聞聲。喜甚。披衾倒屣出戶。乃向老僧。所言佛狀也。由是竭力事親。註疏孝經數萬言。引証群書。極談性命。現滴既乾。欲起取水。輒已盈池。不知其故。

王世名。浙江武義人。父良爲族子俊爭產。毆死。世名恐檢傷父屍。不忍就理。伴聽其翰田。議和田所入。輒

易價封識私繪父像及己像帶劍侍懸密室朝夕拜
泣購利刃銘報讐二字母妻不知也不習舉子業惟
手書忠孝格言一編佩之已而生子甫數月撫之告
母妻曰吾已有後可以死矣母妻亦不知所謂也一
日俊醉歸世名乃迎而揮所購刃立碎其首遂疏于
衆歸白母出其向所封識祖直赴縣請死縣官義之
謂曰檢若父屍驗有傷若止應坐子孫擅殺行兇人
律世名曰吾惟不惡殘父屍以至此死則抵之何檢
為縣官摘欲曲宥之世名曰此非法也非法無君何
以生為遂不食而死

阿寄得安徐氏僕也徐氏昆弟析產而居伯得一馬
仲得一牛季寡婦得阿寄阿寄時年五十餘矣寡婦
泣曰馬則乘牛則耕踉蹌老僕乃費我蔡羹阿寄嘆
曰噫主謂我力不若牛馬耶乃畫策營生示可用狀
寡婦脫簪珥易銀界寄寄則入山販漆期年而三其
息謂寡婦曰主無憂富可致矣歷二十年積貲巨萬
為寡婦嫁三女婚二子厚具食聘延師教二子既輸
粟為太學生而寡婦則衰然財雄一邑矣阿寄疾且
死謂寡婦曰老奴牛馬之報盡矣出枕中二楮則家
計巨細悉均分之司以此遺兩郎君可世守也或疑

其私蓄者竊移其篋無寸絲粒粟之儲一姬一兒僅
蔽緼掩體而已

張清雅潛山人家貧力學養親崇禎十年張獻忠犯
潛山清雅以父老卧病守之不去無何父死甫殮賊
入室欲剖棺視之清雅以兩手據棺號泣賊斷其臂
仆地幼子超藝泣求代賊復斫之父于俱死棺得不
剖時超藝年十五耳僕雲滿具兩棺殮之殮畢亦不
食死

襄陵王冲殊性至孝母季年八十一得危疾不能餌
藥割股肉為糜以進又剪鬚和肉屑雜香蕪之以禱

于天母池下取膏之數日而瘳天順元年賜勅獎諭
女清澗縣主孫輔國將軍徵鏐婦王氏俱有孝行成
化十一年獎諭

安昌王膚鋪父岷王音塗得風疾膚鋪侍奉湯藥晨
夕不離岷王嘉之成化九年疏乞旌表禮部覆奏親
藩旌表舊未有例帝特賜書褒之

襄王範址性篤恭為鎮國將軍時生母病疾晝夜侍
卧不離湯藥必親供饋候痊安始歸私室未幾母復
中風僂厥範址觸地呼號禱神求以身代刲股肉作
汁灌口中乃起景泰元年教授以狀聞遣書獎諭之

後封襄陵王成化十年年七十五每祭掃猶躬自負
土培墳哀慟誠切復膺獎諭

靈丘王長子成鈺篤孝弘治七年賜勅獎諭

鎮國將軍鍾銘鍾鈇俱有孝行弘治十年賜勅獎諭
沂陽王誠淵天性孝事父端懿王繼母張克盡孝道
父母有疾衣不解帶食不下咽湯藥必親嘗每夜稽
顙北辰求以身代父竟哀毀幾絕寢苦枕塊不飲酒
食肉將葬時雨久泥濘王禱于天葬日天果開霽悲
號送塋徒步往返四十餘里葬畢復大雨次年墓上
生嘉禾一莖雙穗嘉瓜一蒂兩實又有慈烏異禽環

集墓栢日夕哀鳴執喪三年如一日又以母妃馬木
遠養進服茹素二十七月弘治十四年賜勅獎諭
鎮國將軍常漢事父鄒弔王孝事後母如所生某子
健鏞亦以孝稱正德四年賜名曰世孝

鎮國將軍常灝事親孝正德九年賜勅獎諭

輔國將軍成鏗夫人李氏事姑王盡孝姑疾齋戒禱
神祈以身代姑爰則先爰臂試痛姑在床褥親扶持
盥櫛食飲烹浣者十年夜不解帶居喪哀毀過禮幾
絕而薨嘉靖五年賜建坊旌表

鎮國將軍成鏞有孝行親薨結廬墓側負土壘塚晨

夕號泣不絕嘉靖六年勅諭獎賚

母王訢淳事母魏孝嘉靖十年賜銀幣羊酒獎勸
晉王知烱性至孝事嫡母郝妃生母彭甚謹母妃薨
號慟幾絕執喪盡禮有素芝產于寢宮白鶴盤旋祭
所嘉靖十年賜勅獎諭

原武王朝瑜孝行著聞萬曆二十六年詔旌美之

衡王常撫有孝行萬曆二十八年賜勅嘉獎

奉國將軍廷斌事親孝萬曆三十八年旌表其第
奉國將軍東積孝事母夫人沈氏目失明東積侍奉
湯藥日夜祈天數年母目忽明如舊萬曆八年旌其

門曰孝行

鎮國將軍在銘天啓二年旌表孝宗

通山王謐錫天啓五年旌表孝宗

論曰孝友篤行乃宇宙之常經而生人之庸德也。有所不足不敢不勉。遑問其他乎。即草木禽魚禎祥靈異殆亦偶然之事。未可據以為徵也。況乎表厥宅里樹之風聲。此又朝家之盛典。則然仁人孝子之用心豈其嘗所計及者哉。大抵至性所矢。眈懇惻怛固自有感應閭會之理。不然通神明而格天地。聖人胡為此鋪張揚厲之辭。以詔天下後世耶。良亦道所不誣者耳。